

## ★ ★ ★ Партийн сургъулин чинринь өөдлүлхд килмджән өгхмн

Партийн сургъулин шин джил мана ори-нутгт политическ болн производствен агъуик өргмдж гарчах цагт эклджәнә. Коммунистическ партъ болн цуг советск олі-әмтн партин XXI-ч хургиг тосдж шунмгъа белдлгъ кеджәнә. Мана ори-нутгт коммунизм тосхлгъна чинртә ик төрмүдиг хург хәләдж хагълхмн. Тегәд тер тоотла ирлцдж партийн организацисин идеологическ кәдлмшиг, партийн сургъулиг, олі-әмтнд коммунистическ сургъмдж өглгъиг яруллгън некгдджәнә.

Нидн джилин партийн сургъулин дамшлт марксистск-ленинск теорий даслгъиг кү-цәдж йовх төрмүдлә залгълдулдж келгъиг чангъасн цуг кәдлмшиг уралан йовулхд ик ачта-туста болдгинь үзүлв. Давсн джилд өдгә цагин политик даслгъна кружокс совхозтрансн автобазин болн ремстройконторин парторганизацет, КПСС-н туудж даслгъна кружокс РТС-н болн колхозмудин парторганизацет сәәнәр кәдлцхәддж, сурч йовх улсин шунмгъагъинь өөдлүлдж, производствен зура күцәлгънд нөкд болв.

Болв КПСС-н балгъсна комитет нидн джил партийн сургъуль бүрдәлгънә дигинь келләрн, бәәсн дуту-дундинь бас тоолв. Өдгә цагин политик болн селәнә эдл-ахун экономик даслгъна кружокс нургълдж парторганизацет гаргъгдсн, политшкол болхла негн чигн уга билә, марксистск-ленинск философий даслгън нам цур бүрдәгдсн юмн биш.

Эн джил тер тоотиг онгдан авад, партийн сургъуль бүрдәлгъиг бәәх олі янзс олзлдж, коммунистнрин болн партийн биш активистнрин политическ медрлинь болн сургъулиннь кирцәгъинь хәләдж, политшкол, кружокс, семинарс чикәр бүрдәх төр КПСС-н балгъсна комитет өмнән тәвдж күцәв.

Коммунистнрин дуринь сурдж, тедниг альд сургъуль дасхинь йилгългън урдаснь кегдв, эдн кергтә сүв-селвг авб. Теорий дасхднь ик түрү болшго, медрлән йоста кевәр өөд-

лүлдж болх сургъулин янз шүүджд авхднь теднд сән заавр, селвг өггдв.

Тегәд балгъсна партийн организацд шин джилд 16 политшкол, КПСС-н туудж даслгъна 16 кружок, марксистск-ленинизмн гол үндсинь даслгъна 3 кружок, политическ экономий болн селәнә эдл-ахун тодрха экономик даслгъна хошагъад кружокс, нарт делкән кәдлмшч джисәнә туудж даслгъна нег кружок кәдлхмн.

Кесг коммунистнр эврәннь идейно-политическ медрлин кирцәгъән бийснь онцдан болн семинарск занятыд орлцдж өөдлүлхмн. Эн төләд КПСС-н туудж даслгъна 3 семинар, өдгә цагин политик даслгъна 2 семинар, философий, полит-экономий болн промышленностин тодрха экономик даслгъна неджәд семинар бүрдәгдджәнә.

Эн джил КПСС-н балгъсна комитетд 2 джилә экономическ школ гарчана. Энүнд колхозмудин болн совхозмудин гардачнр, селәнә эдл-ахун специалистнр болн партийн-советск активин нань чигн кәдләчнр, ут-туршдан 31 күн сурхмн.

Сургъулин багшнр политическ сургъуль даслгън эн джил олі янзар, сән соньмджта кевәр кегдхмн. Сургъулин көвүдт болн күүкдт коммунистическ сургъмдж өглгънә тускар балгъсна школмудт 7 семинар кәдлхмн. Багшнрин кесг коллективс В. И. Ленин, Н. К. Крупская, М. И. Калинин, А. С. Макаренко олі-әмтнә сургъуль-эрдмин тускар бичсиг даслгъан цааранднь кехмн.

Партийн сургъулин шин джилд политическ медрлән 898 коммунистнр, 182 комсомольцнр болн партийн биш 93 күн өөдлүлх болдж орулдж авгдв.

Политическ сургъулин күцврннь пропагандист улсин чинрәс, эднә чадмг-чидмгәс йилгърдмн. Энүг тоолад, КПСС-н балгъсна комитет пропагандист болдж кәдлх улсиг сәә-

нәр шүүджд хәләгъад, медрлтә, чадх улс шинәс немджд орулв. Нидн джил 25 пропагандист кәдлджәсн болхла, ода кружокс, политшколс, семинарс гарддж 54 пропагандист кәдлхмн. Марксистск-ленинск теорий дасхд цәәлгъвр өгхд болн докладчикүд гидж 21 күн батлгдв.

Пропагандистнрин чинринь ясрв, пропагандистнр нургълдж ода өөдән сургъульта улс. Шинәс, пропагандистнрин кәдлмш кехд, научн-шиндждлгънә институтин кәдләчнр А. И. Сусеев, Н. Ш. Ташнинов, Б. С. Санджиев, селәнә эдл-ахун управленә инженер Берденов, КПСС-н тангъгчин комитетин лектор, философин преподаватель С. Д. Лавгинов, нань чигн улс батлгдцхав.

Сургъулин эн джилд КПСС-н балгъсна комитетд тасрлтан угагъар кәдлмшән кегд пропагандистнрин семинар кәдлхмн. Политическ сургъулин кабинет пропагандистнрт кергтә тоот литератур, сургъулин зура болн программ, олі зүсн экономическ справк, нань чигн белдв.

Сентябрин 26-д КПСС-н балгъсна комитет пропагандистнрин совещань хурадж, октябрин нег шинд партийн сургъулин джилд эклхиг бүрдәмджтә кевәр келгъиг теткх төр күүндврт тәвджд хагълв.

Цуг политшколс, кружокс, семинарс эндр сургъулян эклхмн. Пропагандистнр болн эклц партийн организацисн сегләтрмүд сургъулин түрүн өдр бүрдәмджтә болн идейно-политическ өөдән кемджәтәгъәр кегдхиг теткцхәх зөвтә.

Политическ сургъулин идейно-сургъмджин нилчинь өөдлүлхд тасрхан уга килмджән тәвджд, политическ сургъулин джилниг диилвртәгъәр кедждавулх — партийн организацисин нег ах төрн болджана.

**В. ШАРАПОВ,**

**КПСС-н балгъсна комитетин  
пропагандин болн агитацин отделин  
заведующ**